



Nadia Olsen

Inuusuttuuvunga anguniagalik, akisussaassusilik peqqinnartumik inuuneqarnissamik pingaartitsisoq. Perorpunga inuiaqatigiinni sullissisuni, kajumissutsimik suliaqartunik angajoqqaarlunga. Soqutigisakka aallutarivakka, pingaartumik inuiaqatigiit inissi-simanitsinnit pitsaannerusumik aqqutissiueqataarusussuseqarpunga.

Peqqinnartumik inuuneq

Akisussaaffik imminermiippoq inuunerup qanoq atornissaanut. Kiffaanggissuseqarputit inuunerit qanorluunnit ilusilersussallugu, illummi nalunnginnerpaavat sorusunnerlutit. Peqqinnartumik inooriaaseqarnissamut periarfissagissaassooq ilinniartuugaanni sulisartuugaanniluunnit. Peqqinnartumik inuusaaseqarnek imminermut, ilaquttanut inuiaqatinullu iluaqutissaavoq.

Anguniagaqarnek peqqinnartuuvoq, soqutigisagut assigiinngillat – pikkoriffitit aallaavigalugit periarfissanik ujartuigit, atorluaagit tunniussassaqaravit.



Kajumissutisimik sulinerup illoqarfia

Inuit piginnaasagut ulluinnarni atorluarnerutigit. Susassareqatigiippugut - Kajumissutsimik sulineq inuit suleqatigiiffigisarpaat, pilersaarusiornermit pilersitsinermut suleqatigiissinnaaneq kusanartuuvoq. Angusaqarnek ataasiakkaatut inuiaqatinullu pitsaasumik kinguneqartarput. Ajornanngitsuusaaq nukissaqaraanni suleqataaffigerusutamut suleqataanissaq. Pisortat kommunellu pilersitassat naammassillugit tunniutissanngilai. Soqutigisaqaqatigiit iliuseqassapput, piginnittuullutik piviusunngortitsissapput sinaakkutit atoruminartut kommunemit periarfissaliunneqartut atorluarlugit.

Ilinniartoqarfik Nuuk

Ilinniartoqarfik ilisimatusarfiulluartoq pilerinarluinnartooq nunatta iluanit avataaniillu. Inuttut, eqqarsartaatsikkut piginnaasatigullu ineriartorfiusaaq. Ilinniartut aallartisaasullu ataatsimoorfissaat piviusunngorli - inuusuttut nutaaliortutik ilisimasaminnik avitseqatigiillik, pitsaanerpaaffiani namminersortutik suliffeqarfimmik aallartitsisinnaallutik. Suliffeqarfimmi iluatsissappat piginnaasassat assigiinngitsut pingaaruteqarput. Assigiinngissuserput nukitsoqutaavoq ilinniarfeqarfiillu ataatsimoornerat atorluavittariaqalerpoq.

Piumasaqarsinnaaneq

Ilinniaqusivugut, piginnaasat atorluarnissaanik kaammattuivugut. Tamassuma malitsigissavaa suliffeqarfiit namminersortut tapersorsornissai. Piumasaqarsinnaasariaqarpugut tunisassiat kiffartuussinerillu nunatsinneersut siulliullugit ujointorneqaqqaartarnissaat, pitsaassuserlu naammaginarpat atortariaqarpagut avataaniik piniartinnata.



Inatsisit kusanartut

Inatsisit kusanartut suliarisimagaanni – inuiaqatigiinnili atuutsilersimangikkaanni inatsisit isumaqanngillat. Takussaavallaarpoq sulinermi akisussaaffeqarnerup suussusaanik ilisimaarinninnginneq. Ersarissaanissaq suliamullu attuumassuteqartut akorngani suleqatigiinneq pitsaanerulertariaqarpoq. Tassunga atatillugu ilaatigut Sermersooq kommunea siuttuusooq Atuarfitsialaap atuutsinneqalerneranut – nunatta sinneranut maligassaalluni.



Inuiaqatigiilerinermi ilisimatusarninni ullumikkut inissisimaneq apeqqusersortuarpara, isikkiviit assigiinngitsuniik takunnissinnaaneq pingaarpoq. Aaqqiissutissanik pitsaasunik aaliangiisinnaassuseqartariaqarpoq Kommuneqarfik Sermersuumi sullississagaanni – tamatumunngalu suleqataanissannut piareersimavunga qinersilluarisi.